

餘杭縣志卷十五

寺觀一

名山爲靈秀所鍾仙佛之徒築爲寺觀卽名山之主人矣
餘邑西北諸山以徑山爲最勝其西南則洞霄天柱爲最
古高德羣真代傳靈蹟又名賢勝引之所游詠而棲遲也
故紀徑山洞霄雖約取舊志猶較詳焉其餘琳宮紺宇足
以標形勝供登覽者隨所甄采亦悉著於篇

法喜寺

在縣東半里舊名吉祥院

名勝志

唐光化二年僧清

辯開山宋大中祥符八年改今額紹興五年徙學宮於此
以學基爲寺元至正末燬明洪武元年僧自能重建二十

餘杭縣志

卷十五

寺觀

一

二

四年併入永安寺嘉靖三十年教諭李鵬舉以堪輿說徙
學宮復舊寺亦仍遷故基卽今址是萬歷初圯四十年知
縣戴日強以此寺爲習儀祝聖之所捐貲重建萬歷縣志寺舊
有王荆公所構綠野亭亭後有荆公讀書堂又有東坡懷
舊亭諸名蹟久廢無存殿宇亦日就頽落

國朝嘉慶十二年知縣吳縣張吉安捐建山門五間殿宇牆圍
各加修飾仍爲朔望習儀拜

聖之所稍復舊觀焉

寺舊有東西兩院近年率皆坍塌毀其西院乾隆五十九年
知縣程澤蘭奉文供祀蠶神於其中改爲先蠶祠先是院

內殿前甬道旁隙地寺僧私鬻於邑人潘姓栽植桑株蕪穢不淨嘉慶十二年知縣張吉安勸生員潘志桂捐還祠內伐除桑本用昭明潔仍令寺僧兼司香火祠外牆垣並加葺治可垂永久

宋王安石法喜寺詩門前白道自縈迴門外青莎間綠苔雜樹遶花鶯別去環檐無幕燕歸來寂寥誰共樽前酒牢落空留案上杯我憶故鄉歸未得可憐啼鴉重相催

明夏止善法喜寺詩招提醜酒竟忘回石徑閒游步綠苔門外溪聲春雨過屋頭松響晚風來一身莫論無窮事百歲須傾有限杯正是長吟猶未了僧堂忽起暮鐘催

李煜和詩老衲雲遊竟不回惟存荒砌暈蒼苔山花著子時開落野鳥將雛日往來傳講有燈還續燄登臨無酒且停杯可憐塵事渾如夢百歲流光屈指催

餘杭縣志

卷十五

寺觀

一

二

國朝

毛萬齡題法喜寺詩法喜黃金地相傳綠野亭波濤飛畫

使漢纏星今古遐登覽英豪足典型一茗千里曲孤塔萬峯冥遺蹟探三老芳聲巨百齡惟餘詩句在髮髯動幽馨崔應榴過法喜寺詩破寺城之側避喧來此登僧殘被故衲佛古守昏燈牆外一鐘臥門前新草芳髯蘇有舊址拭

日見重興時張明府蒞塘議葺殿宇并新坡公懷舊亭

王鏗同崔秋谷陸希齋重過法喜寺尋宋王荆公綠野堂故址不得詩此日重遊地當年綠野堂有人秋徙倚望遠晚淒涼事去溪流水平年深草沒場惟餘荒寺在寂莫掩斜陽

張吉安重修法喜寺詩古寺荒頽甚先爲結數椽敢云邀福利聊以識因緣遐想讀書處高吟懷舊篇伽藍奉香火端合祀坡仙

釋紹隆過法喜寺詩香殘僧舍掩楞伽驚看詩篇絢彩霞寂寂蓮臺佛入定隆隆鐘鼓日初斜函開錦字新題詠園閉書房舊種花愛聽政聲吟思好擬從黃九賦煎茶

永安寺 在縣東南二里肇自唐初貞觀與雙徑國一禪師

同時開山至宋而燬元初復興元末又燬明洪武初重建

立為叢林寺始名南安天順二年勅易永安成化年間鄒

幹鑄銅鐘幹子煜設法鼓因建鐘鼓樓并觀音閣寺西有

大樹經冬不凋相傳即貝多樹也樹旁有官港俗稱僧官

澗紳士以為放生池池稅官納勒碑世守明末歲荒僧散

本朝順治二年釋導止來止錫與僧潛一剏修乾隆十六年釋

實敬建大士殿修山門旁建靜觀齋實敬一名方誠號敬

堂邑孫氏子釋實敬永安寺記

明談允謙南安寺詩寒林秋野白廢殿古雲涼隱士鋤戎菽僧家樹女桑雖云蝸有舍只恐鶴無糧咫尺過隣寺山泉

餘杭縣志 卷十五 寺觀 一

新汲香

顯聖寺 在縣東南二里舊名白塔院宋開寶四年建治平

二年改今額咸淳志明洪武二年重建二十四年併永安寺

萬曆三十年僧立齋重建萬曆縣志下同

宋范仲淹過餘杭白塔寺詩登臨溪上寺遷客獨依依遠水欲無際孤舟曾未歸亂峯藏好處幽鷺得閒飛多少天真

趣遙心結翠微

普救寺 在縣南一里舊名聖壽唐光化二年剏宋治平初

改今名建炎燬於兵紹興中重建

按鄧牧洞霄圖志載洞霄宮宋初聖節道場應奉本縣文武官僚入山建散自南渡後惟道士就本宮建散而縣官止於普救寺行事然則此寺在南宋時為建散聖節道場縣官行禮之所矣

善法禪寺 在縣東南安樂山之陽舊名慶善院晉天福三

年僧延沼開山宋治平二年改今名有五顯行祠後徙去

為五顯廟元末燬於兵明洪武初重建俗名安樂寺明季

僧無畏募建殿堂

萬歷縣志

國朝乾隆四十五年僧導文募修

明夏止善安樂鐘聲詩尋僧竹院經過地聽鳥林泉徙倚情

天地側身懷保障江山滿目見生平鐘聲斷續層霄塔樹

影參差百尺城臨眺那堪

重回回首斷碑芳草夕陽橫

國朝釋紹隆過安樂寺詩勝遊憑杖入山行行到雲深不計程

梵刹望來祇樹綠草堂吟對谷峯青也知賈誼曾為傅更

愛房融妙解經恰是太平

無事日煮茶石上話三生

安樂塔 吳越王子築庵養痾於此而愈故名安樂今遺

餘杭縣志

卷十五

寺觀

四

塔現存邑人董欽增築

舊縣志

國朝乾隆庚寅邑人潘琦董修塔有鐵頂後為龍陣攝去嘉慶

甲子邑人醵貲再修鑄頂補之

國朝知縣汪臯鶴重修安樂塔記邑治東二里有山曰安樂故

老相傳吳越有國時其子築室養痾病旋以安故名山有

浮圖聞亦係錢氏所建明董欽增葺塔級七層其巔置頂

四迴簷桷稍備日久加燬遙瞻巖麓窳堵巍然每當林風

滴翠日輪西照霞光雲影獨立蒼茫儼然有小雷峯之目

側聞青囊家言山當縣之巽峯宜隆起不宜傾塌適構邑

紳士輸葺文昌閣之贏貲遂於其巔增建椽宇作金輪之

蓋從此高頂插雲虛檐倚漢迴梯拾級遠觀旁矚仰山川

之靈淑覽人物之蕃庶眩于目而識于心足以為觀風問

俗之一助固不僅為人文地理所關已也是役也經始於

春孟工竣於夏初計費公錢四百緡有奇董其事者邑人

州司馬潘君琦獨任之落成之日猗我士女歡喜瞻仰焚

頂膜拜以待嘉祿故樂得而為之記乾隆

歲次庚寅孟夏知餘杭事申州汪臯鶴撰

知縣張吉安重修安樂塔記浮圖之制昉于釋氏而為形家言者因之嘉慶癸亥冬予承乏餘杭入境望邑之巽位宰堵岩嶢倒景下垂隱然南渠河關鍵也乃顧唐剝蝕惡木壞草在其顛心竊慨然既視事與邑士大夫接知前令尹以巖序告傾諸君子多方勸輸重建大成殿甫有端緒兩廡以下埃舉工計所未捐資尚可次第展拓予因商是役焉越歲甲子載謀載惟冶氏鎔金陶人治甃伐由拳之榭鏤貝葉之經始於夏初歲於秋仲費錢一千五十緡有奇任事諸君盛暑登陟退然不名其功尤以巖宮未竣為歉予欣是役之成而亟以巖宮為邑中勸期有以為士大夫慰也至安樂之得名中間之增葺邑乘載之前宰汪君記言之予不贅云嘉慶九年歲次甲子九月吉日文林郎知餘杭縣事吳門張吉安撰

寶輪寺 在縣東南三里元號興建寺南齊永明年間僧聲

禪師開山宋祥符元年改今額元末兵燬明洪武六年僧

義杲重建萬歷縣志下同

餘杭縣志 卷十五 寺觀 一

明楊文炯秋日過寶輪寺詩著屐過禪院煙雲滿布衣境由閒處適人到靜中稀寺僻僧偏懶林疎鳥自飛坐深黃葉落徙倚欲忘歸

普濟寺 在縣東一十五里安樂鄉宋淳祐八年劫元燬明

洪武初重建

靜林寺 在縣東文山界蕭梁時劫中廢人呼基地為寺塢

林木森隘人跡罕至陰雨時或聞鐘鼓聲宋時有僧利欽

築菴塢中開拓基址得大石龜二斷碑一截文磨滅不可

辨止存篆文靜林寺記四字又得古井六口及堦砌隱約

尚存於是寺復興紹興四年重建元燬明洪武初重建萬歷

府志

國朝康熙五十二年重修

永勝寺 俗稱寡山寺舊永勝菴也在縣東支巷三莊宋咸

淳間剏明洪武元年重修舊縣志

國朝康熙元年僧德基重建

金仙寺 在縣東南一十五里西舍界舊名金源院周廣順

二年僧宏社剏宋治平二年改今名元末兵燬明洪武十

四年重建萬歷縣志

國朝乾隆四十五年重建

光福寺 在縣東南一十五里章鄭保元至元初僧如立剏

明洪武元年重建舊名光福院今改稱寺萬歷縣志

餘杭縣志 卷十五 寺觀 一

六

福嚴寺 在縣東南一十八里閑林四五保宋治平二年僧

志恢剏明洪武二年重建萬歷縣志

國朝乾隆二十五年重修

龍門寺 在閑林東扇去縣治東南三十五里唐初僧永明

建貞觀十三年僧悟空重新改名悟空寺山有龍潭旱禱

輒應萬歷縣志

國朝嘉慶九年重修

資嚴寺 在閑林東扇去縣東南三十五里宋初建資嚴水

閣於上後有玉龍泉亢旱不涸萬歷縣志

寶壽寺 在閑林四五保萬歷縣志

國朝乾隆五十七年重修

光孝寺 在閑林東扇一圖武林志宋太平興國蔣山禪師建

太宗勅額明正德初無盡和尚禱雨龍門山顯白蛇于鉢

內而大雨寺復興舊府志

國朝蔣炯宋光孝寺尚書省牒及捨牒置田碑記按吳本泰西溪梵隱志稱寺在上埠山宋太平興國間創勅賜恩光孝禪寺中廢端平間僧法薰重建此其所賜省牒也志稱薰由靈隱退居按牒有牒奉靈隱景德禪及住持淨慈等語則薰所住持實兼淨慈及茲寺不僅自靈隱退居也志又稱薰更名寶壽按牒仍稱恩光孝禪寺則不始於薰可知牒在端平二年十月其參知政事崔按宋史宰輔表為崔與之知樞密院事兼參知政事曾為曾從龍右丞相為喬行簡特進左丞相為鄭清之表稱清之自光祿大夫右丞相除左丞相不言授特進惟傳有拜特進左丞相之命今牒與傳合可以補表之闕諸人皆署押與之獨缺者是年六月與之方自廣

餘杭縣志 卷十五 寺觀 七

南東路經略安撫使召知參知政事力辭不至故未與署押而銜下亦彷彿有未上二字可證碑今在寶壽寺左壁其捨牒置田記在右壁所稱孟保相捨度牒一十七道界會二萬貫建造大佛寶殿者為孟忠襄公珙按史珙自咸淳二年拜檢校少保後授檢校少師卒贈太師故稱保相史又稱珙通佛學號無菴居士則寺之興復實珙創始珙終於江陵府治時九月戊午是月朔有大星隕境內與碑言九月三日忌就祠堂供養諷經合則保相為珙無疑碑立於寶祐三年住山僧可默都管僧可祥嘉慶丙寅五月與李君方洽游寺中搜得二碑手搨二紙歸記其末遺寺僧使知護惜毋使為荆棘霜露所湮蝕云

按光孝寶壽本是一寺前志誤皆分載然尚書省牒但稱光孝並無寶壽字樣則意此寺之改名寶壽又在法薰後矣

天真寺 在縣南二十里南建界舊名真君院宋咸和二年

剏晉郭文舉嘗於此修道故名宋治平二年改今名元至

正八年燬明洪武三年重建萬歷縣志

國朝乾隆二十七年重建

石盂山寺 在縣西南三十里因峯上有穴如盂故名邑人

嚴武順有記在洞霄南麓寺興於唐為殊勝禪師建宋僧

惟政修之明萬歷間有芥菴病中夢天人示以盂鉢病愈

至山見名與夢符遂誅茅而居僧越見於

國朝康熙壬寅年創建大殿并大悲閣一笠亭續縣志

仙洞寺 在縣西南招德鄉南建界

國朝乾隆五十四年僧光義重建

天雲寺 即監院寺在縣西南南建界牛肩嶺明洪武初僧

餘杭縣志 卷十五 寺觀 一

本源開山後僧永濟重建

國朝乾隆三十九年僧大鑑重修

能仁寺 在縣西南石門橋東計十五畝知縣戴日強重建

亦名地藏殿

按是寺前明天啓間僧如霖募建其基地十五畝則邑人夏燦所捐也有記勒石

國朝釋紹隆能仁寺詩南湖西望白雲阿紺殿崑嶷背大河天外樵歌來暮嶺月中人語出煙蘿采餘黃菊經霜少遊到

會心得句多自笑寒灰飛不起無情可奈別情何

廣福禪寺 在縣西十里盛宅界舊名寶興院唐廣明元年

僧文喜開山宋熙寧元年敕改聖壽院隆興元年改今名

元燬於兵明洪武十三年僧永晟重建二十四年併永安

寺萬歷縣志下同

廣化禪寺 在縣西一十三里盛宅界舊名羅漢院宋景定

中勅法濟禪師開山元燬於兵明洪武元年僧思純重

建二十四年併徑山寺

明沈達遊廣化禪院詩盤旋數武入雲林遙睇山間雲氣侵
列石為屏成虎踞探泉流韻作龍吟曾無客過窺僧語只
有潭空冷世心崖頂幽花
開滿樹笑人何事不抽簪

法華寺 在縣西北四十里吳山界唐同化三年僧法式勅

宋祥符元年改今額元末兵燬明洪武年間重建

按唐無同化年號
或後唐同光之譌

勅賜香雲禪寺 在縣西北五十里徑山乃天目之東北峯唐

餘杭縣志

卷十五

寺觀

一

九

代宗時僧法欽結菴于此永泰中有白衣士來求度為沙

彌欽即剃度名崇惠後如長安與方士競法既勝代宗問

其師承曰臣師徑山僧法欽召赴闕賜號國一禪師逾年

辭歸詔杭州即其菴建寺曰徑山乾符六年改為乾符鎮

國院宋大中祥符元年改賜承天禪院政和七年改徑山

能仁禪寺開禧間開禧乃寧宗
年號似誤孝宗御書額賜徑山興聖

萬壽禪寺由宋迄元為禪林之冠元末兵燬明洪武年間

重建徑山志萬歷中殿宇傾頽僧真可疏募重修

國朝康熙十一年大殿復燬二十二年僧五嶽重建共一十三

所復還舊觀續縣志

康熙四十四年春

聖祖南巡駐浙住僧世鑑迎

駕蒙

勅賜

御書香雲禪寺額摹勒恭懸寺門

墨寶敬奉本寺永遠供奉

續志又云寺地峙五峯中闢高原境地清幽巖壑深邃宋南渡後顯仁皇后在慈寧宮高宗在德壽宮時來遊幸親書龍游閣榜孝宗書興聖萬壽禪寺額又賜圓覺經解大慧禪師宗杲卓錫來茲大加營建為僧寮庫司宸翰閣千僧閣一時稱盛延及明時祖師住山者至八十餘代為禪林第一法席宋元以來寺凡六燬一燬於慶元己未住持

餘杭縣志

卷十五

寺觀

十一

元聰新之再燬於紹定癸巳三燬於淳祐壬寅無準範再營之四燬於至元乙亥五燬於己丑雲峯高兩建之元末復燬明洪武間重勅萬歷中殿宇傾頽幾淪墟莽紫柏禪師為疏倡助祖庭再興

國朝康熙十一年大殿復燬二十四年重建按至元乙亥為元世祖至元十二年即宋德祐元年其時宋猶未亡非奉元正朔志所以不稱宋而稱元蓋沿元家之巽碑記也

徑山之勝著於國一嗣是代有增葺殿宇崇宏甲於浙水僧徒所由侈為天下徑山也當其盛時青豆之房赤華之館彌山亘谷什百不啻今綜其大略則自大雄正殿而外

有靈澤殿

詳壇廟

祖師殿

奉祀達磨百丈八十七祖

天王殿有龍游閣圓

覺閣

並見古蹟

千僧閣

宋李邴有記後為大藏閣又改觀音殿明朱國祚記

妙莊嚴閣無僧

準建萬佛閣

良山天開閣有五鳳樓

供五百

奇樹樓寒翠樓

並見古蹟有天慧堂

僧蒙菴建

閱藏堂

在藏閣前

有寶積居

僧蒙菴建

有不動

軒無垢軒並見古蹟般若軒有半山亭洗心亭流止亭含暉亭

傾蓋亭並見古蹟其分派有一十六房松源梅谷後房大慧宣照圓照天然妙香妙明

南塔如意惠泉東惠泉西安穩洞橋幻室其別院靜室有中峯南院在鵬搏峯下有明徐

六岳書獅子窩有蓬徑菴在黃沙灘喝石菴中奉國遺像妙喜菴舊明

三字鐫於石月堂大慧示寂於此寂照菴在寺北五峯之背凌霄菴在

宋孝宗詔改今名霄峯宋范至能有詩伏虎菴松隱菴並在紙錢坑千松靈谷菴宋僧

退居於此後改大禪菴千指菴明僧雪嶠靜居處天澤菴有愚虛堂傳衣菴在葛蒲田

舊玉芝菴初陽菴勝峯菴悟石菴妙明菴並在寂照菴後安隱菴如意

菴永寧菴月梧菴天瑞菴在直竹林菴在御愛峯下妙香

菴清太菴高菴有娑羅林僧古鼎退居石語林在豹子嶺有三塔南

餘杭縣志 卷十五 寺觀 十一

塔即中峯塔明邑令戴日強有詩以上諸佛宇僧寮大抵廢者多而存者

少即所稱松源等十六房近亦堙廢過半矣聊據舊志酌

登其概絕塵清信之侶得以資考覽焉下院七處別詳於後 現田一百三

十九畝地九畝山六百二十六畝俱常住管業

宋樓鑰徑山興聖萬壽禪寺記徑山乃天下奇處也由雙徑

而上至高絕之地五峯巉然中本龍湫化為寶所國一禪

師開山于天寶之初特為偉異天作地藏待斯人而後發

道成名震召歸長安代宗為之執弟子禮將相仰其高蹤

繼之以無上又繼之以法濟坐鎮羣魔刀斷禪牀而色不

動識錢武肅王於微時故吳越累世崇奉尤謹皇朝至道中太宗皇帝賜以御書并佛國舍利元祐五年內翰蘇公知杭州革為十方祖印悟公為第一代住持紹興七年大慧禪師來主法席衲子雲集至千七百衆末年南歸重來踏而復振人境相與映發道俗趨仰龍神亦隨指揮而定顯仁皇后在慈寧宮高宗皇帝在德壽宮時皆常遊幸就書龍游閣扁榜孝宗皇帝書興聖萬壽禪寺又賜以圓覺

經解天下叢林拱稱第一。大慧以來名德繼起，神龍靈響素著。國家民庶有禱輒應，累封德濟顯祐廣澤王廟，為靈澤。且有玉圭玉帶、黃金瓶、鑪祭器之物，其所賜稱盛極矣。然而廢興有數，不可預知。國一之後，以會昌沙汰而廢。咸通間，無上興之，又後八十餘年，慶賞始以感夢起廢為屋。三百楹，翦去樗櫟，手植樅檜，不知其幾。今之參天合抱之木，皆是也。蒙菴禪師元聰以慶元三年自福之雪峯被旨而來，道譽隆洽，不愧前人。五年仲冬，行化浙西，而回祿災烈，風佐之，延燔棟宇一息而盡。異哉！人皆以為四百年積累之業，一日掃地有能興之，非磨以歲月未易就也。先是寺基局于五峯之間，又規模不出一手，雖為屋甚夥，高下奢儉各隨其時，因陋就簡，亦復有之。衆為之請曰：大慧無恙時，豈不能撤而更之，顧其勢未可茲焉。火起龍堂，瞬息埃滅，豈龍神欲一新之乎？況祖師之像出于烈燄，而不燬，開山之菴四面焦灼而茅不傷，師與國一俱姓朱氏，或疑以為後身。比移壇涌泉成井，今日安知非暫廢而當復大興耶？聰曰：有是哉！微我誰當為之？乃出衣孟為之倡，率學徒元詔、可達等所在緣化，兩宮加以錫賚。施者聞風日集，動以萬計。又命南悟等廣募閩浙、江、東、西、良工，伐木於山，日役千輩，斤斧之聲震動山谷。凡食於山者無問比邱。

優婆塞相與勸勉，智者獻謀，壯者出力，夙夜經營，不啻己私。開拓舊址，首于東偏，為龍王殿，以嚴香火之奉。繼為香積廚，以給伊蒲之饌。延湖海大衆，則有雲堂供水、陸大齋。則列西廡，此皆一日不可緩。寺之所以立也。寶殿中峙號普光明，長廊樓觀，外接三門，門臨雙徑，駕五鳳樓，九間奉安。五百應真翼以行道，閣善財參五十三善知識，仍造千僧閣，以補艮山之闕。處前聳百尺之樓，以安洪鐘。下為觀音殿，而以其東西序度，毘盧大藏，經函鑿山之東北，以廣庫堂。輦其土石，置後山巨壑中，開毘耶方丈於法堂之上。復層其屋，以尊閣恩，陵宸翰，御榻修復，妙喜塔亭仍建。蒙菴於明月池上，為香水海，以沐浴為天慧堂，以選僧禪房客館。內外周備，像設雄尊，金碧璀璨，法器什物，所宜有者，纖悉必具，不可勝書。蓋其百工競起，衆志孚應，經始於六年之春，成於嘉泰改元之夏。閱月纔十餘，而變瓦礫之區為大寶坊，始者蕩廢于一彈指頃，若甚慘矣。及其興之神速，則高掩前古，而又雄壯傑特，絕過於舊。按圖而作井，井有條，雲棟雪脊，翬飛層疊，迥出於煙霏空翠之表。春秋二會來者，益衆奔，奔，瞻仰如見。化城驚懼，踴躍稱未曾有。徑山於是乎大振矣。予嘗登含暉之亭，如踏半空，左眺雲海，視日初出，前望都城，自西湖、浙江，以至越山，歷歷如指諸

掌真絕景也為別峯寶印賦詩有百萬松雙徑杳三千樓閣五峯寒之句印為之撫掌且曰山中之景幾無餘蘊矣是時新創大閣丹牖未施上下一色如凝霜雪涉二十年猶屬夢境今則土木之盛何止十倍恨未能一寓目也聰忽以書相尋于寂寞之濱屬以記文遣僧契日攜書來見備道始末辭之曰年侵學落筆力隨衰子之師願力宏深成如許大佛事不求于重望雄文之士而為此來何其舛耶求之再三拙菴又助之請遂櫟括其語為之大書且告之曰大慧千僧閣之成一時稱為盛舉善乎李資政之記以為在果公何足道而循龔齷齪者以為奇特不亦陋甚也哉聰之為此初豈有意於興作者因鬱攸之奇變偶人情之響合上資國力廣集喜捨時節因緣有相之道以濟登茲不記以傳遠然于師何有哉矧國一之初本無可傳之法其後瞻禮之衆傾於億兆財施之廣盈於千萬視之如幻等之如空居惟一室室惟一牀布褐陶匏幹衣糲食其視寵榮振耀何如也聰方以此道行而余欲以言語讚歎有為功德多言益足為贅是故言盡於此師其以為然乎嘉泰三年重午日顯謨閣直學士通議大夫提舉江州太平興國宮奉化縣開國公卿修造僧慧球法然都監僧闕

餘杭縣志

卷十五

寺觀

十三

吳泳徑山禪寺重建記國家駐蹕臨安自西天目龍翔鳳舞舒岡布麓蟠結而為帝王之都者錢塘也自東天目熊騰馬躍陵深拔峭發越而為梵釋之宮者徑山也山以徑名乃天目之徑路其地尊故鬼神不敢宅其境勝故凡庶不得居必也以大法力建大道場然後能儲精會秀攬光景而納於其中始國一禪師卓錫於此興廢逮今蓋已四百餘年矣先是慶元己未冬龍王殿災精廬佛宇一夕而燼僧元聰治故而復新之後三十五年夏再燬無準師範慨然歎曰曩在育王時曾夢一神人偉衣冠盛儀衛馳騎而前迎疇昔之夜又夢前神人者持一寶珠以相授曰謹勿訝或謂夢之神即山之龍珠之數則火之日也豈住止成壞皆數耶師於是以前進心轉不退輪以勇健力搗無畏鼓披榛塞敷高深度材於山視昔所封植可以為棖為梁為栒為桷者適飽厥用則鳩工聚糧命幹力之僧相其役一念纔起諸天響合上方頒賚甚渥公卿大夫士樂施捨南國之好善者不祈而獻貨不命而獻力越三年考成曰堂曰殿曰門曰廊曰樓觀樓客之廬齋庖之所庫庾井竅靡不畢具最是龍游閣居翠峯之頂畫棋璇題承雲納日而虛檐外曰凌霄之閣天空宇迥若與灝氣者遊循而下曰寶殿曰寶所曰靈澤殿曰妙莊嚴閣不但如飛來涌

出而震奎麗畫寶鎮此山實振古所未有舊兩僧堂幼學者居外久習者居內殆非不二法門今則統而為一楹七而間九席七十有四而兩千焉矧翼五鳳而開離門之虛建萬佛而補艮山之闕皆以大用勝服之若夫乘金相水西素多聞異僧所云更不道也比年以來歲數不登諸方寺宇兵殘火燬荒基斷礎相望百不能興一二師乃於艱棘之秋廉以克己勤以募衆竟乘願力成就茲事豈不謂釋中之傑耶雖然予嘗聞瞿曇氏之為教也旅泊三界樹下一宿穴土為廬編茅為葦達磨之不屋也德山之無殿也包攝之不設佛像也楊岐之不蓋僧堂也風穴之不葺破院也林洋泰布衲之不飾寺塔不占檀那地也瓦石擊竹無非道山桃開花無非禪地上木庭前柏無非佛安得有宮殿樓閣之華哉無準曰否也了性者真幻皆性證實者權假皆實一大寶藏普說莊嚴一部華嚴只言現量有是身非旅亭也有是物非寓宇也有是居處室廬非假觀也有是宮殿樓閣非化城也於密室可以識無漏於竟壁可以見因果於廣大樓閣可以觀三生立一枯木為像可以起人敬心以一泥團塗地可以使人不墮惡趣莖草建刹具足大智聚沙為塔皆成佛道安得謂無范金合土墜茨丹雘之功哉予謂由前之說則一切有為之事俱落虛

無由後之說則諸祖無上之宗悉成斷滅泥空則如盲人摸象黑山窟裏修行墮有則猶跛鱉困泥濁海波中起沒二說皆非也道有則一塵不立道無則一法不捨于真空而不着頑空于妄有而轉歸妙有信圓而不偏念活而無弊合體性容貌融為一源其庶乎道哉師曰此事且止普樂院火永邦建之記者張無盡也圓通寺焚師序復之記之者周益公也己未之厄聽亦求記于樓學士子舊詞臣也蓋為我識之歲丁酉登山首請寧國又請奉祠龜溪請益勤且曰上累頒金幣賜御書復責範以金襴法衣佛鑑師號蓋自靈山付囑以來未有如今天子神聖慈武清心寡欲篤行善道扶立教門如此之力子尚可得而辭耶詠不嘗醍醐不嗅薈蔔枯藤敗筆何能鋪述盛美然學自孔氏所求乎子以事父臣以事君常恐不盡其分無以報國汝等捨世俗家出形色界辭親割愛不拜君父飯以珍廚棲以大廈將何所求報國恩持經誦咒不足報談空說妙不足以報窮子之力盡未來世以無量莊嚴不足以報惟發揚大旨警悟羣迷具如來眼踏毘盧顛掘二祖髓御大梅心標俱厖指破馬祖欽師感使一切衆生成等正覺此真是報國恩處範曰唯乃為之記

宋李邴千僧閉記師於臨濟爲十二代孫其道大故其攝者衆其門峻故其登者難其旨的故其悟者親其論高故其聽者驚且疑而同時者譏毀嫌謗不勝其忿然四方學者或自謂親證或幾號罷參皆肩摩袂屬沓來於座下而公遇之未嘗假詞氣接慙懃扼之而不去疎之而益親至於水洒栴逐而戶外之屢常滿院去城百里自唐國一禪師始斬蓬藿驅龍蛇而居之寺無常產山之神龍寶助其緣化師至之始衆纔三百二年法席大興衆將二千而院有僧堂二不足以容於寺之東鑿山開址建層閣千楹以盧舍那南向巖然居中列千僧案位於左右設連牀齋粥於其下經始於十年春越明年春告成余嘗問道於公聞之而歎曰非成是閣之難致其衆之難非致其衆之難道行而不能使其衆不至之難一閣之成在公何足道而循龔齷齪者以爲奇特不亦陋甚矣哉獨喜其道行而衆從之故爲書其本末

元家之巽徑山興聖萬壽禪寺重建碑徑山名爲天下東南第一釋寺寺何以重以道重也蓋自唐世至人指徑以知津神龍奉地以啓宇異僧輩出駐錫譚道顧盼叱咤明心闡性超越生死足以指南禪疏莆勺真乘見知累朝醴恩

餘杭縣志

卷十五

寺觀

五

渥賜龍文虹氣照耀林谷尚矣馴至近代崇極而圯變故凡五一燬於慶元己未住持元聰新之兩災於紹定癸巳淳祐壬寅師範載營之又厄於至元乙亥更二住山峯師妙高至披榛掃磔竭蹶重建粵五葺寺如舊輪奐過侈己丑正月剎那復燼寺衆駭懼師喟然曰吾宿生負此山吾償之吾不憂亡寺憂諸人不解狗子無佛性耳衆悚然林棲菴潛法社如故擇人受事度材慮庸瘠己首公再捐衣孟施者踵至更舊規匯大殿爲龍淵而從殿稍北直池南爲照殿潮音之堂丈室正寢無垢不動二軒東西對扁遷大覺寮於布金移祖庭復歸於宴坐峯上宅盧毘頂靈澤祠宇不瞰幽竇翼以廊廡網維職掌雲棲前序行署賓館庖湍帑廩多所更定寬平深穩倍勝疇昔僮隸工藝咸有寧棲寺東剡積壤爲三門選佛場最後建益壯麗范鐘千石像設嚴具金碧交絢如住佛國朝家欽崇護持恩禮有加壬辰十月落成爲屋千楹計工百萬有奇創祝釐庫市蘇湖田歲閱藏典效華封上衍帝祝其羸接待雲水其徒宣力者淳暢法瑞心開也師雖治土木而晨夕唱道雲衲奔湊瓶錫兀兀宴若無事甫十年間兩建鉅剎如探諸懷功亦偉矣論者或曰佛果靈耶九十年而五隳其宮也隨仆隨起易於折枝又何神耶吁是一諦義學者未之

思耳天下莫大乎道而物爲小莫壽乎道而物爲天天地山川人物宮室何莫非物何莫非道道即理理即釋氏之禪非耶物有器形理超器形物有數量理無數量物有成毀理無成毀未有天地此理先具人物銷盡此理固存常人不見物不見理聖賢見理即見物無在而無不在物物而道場清淨法棲瞻乎曠乎常在目睫兵戈不能斬殺水火不能焚溺施者何施受者何受毀者何怒營者何求彼假借之云半千之期何異鷲鷲之量大鵬井蛙之議海若也哉癸巳四月師過予以寺碑請且作別語甚異未幾師果示寂弟子正宗宗嶽清泰耆舊行哲奉遺言申前請益力著于篇而重宣偈言吾觀世間物有相皆幻妄空華乃空果起滅相輪迴惟有余剛身偏滿于法界得大堅固力常住永不墮云何衆寶山諸佛演法地人天所聚會而現五壤相世尊說經教天地及日月凡麗四大者時皆有劫壞其間有一寶不屬諸有形湛如太虛空皆爲萬象主萬形皆有盡而此獨不朽強名理與道而字曰禪那非性亦非相而不離性相非空亦非有亦不厭空有不生故不滅誰捨復誰取是故觀此山不落成壞境何處四禪天即此伽藍是佛子淨覺場了達無上義能證無住法即見常住性以此祝聖人等物無量壽下及恆沙衆同往安樂國云何得福多非幻不滅故

餘杭縣志

卷十五

寺觀

一

六

明

楊復增修徑山興聖萬壽禪寺記凡山川有勝絕必有物之靈者據之物之靈莫靈於人而其間橫雄顯發能仁氏之道者尤人之極靈故往往不能不移其所勝以歸于其人焉此徑山五峯之拔秀幽盤者所以始室羣龍卒成興聖大精藍歷今幾百年補六十七善知識而猶未艾也雖然難陀波羅乳糜未供安受菩提迦陵尊者竹園未捨瓶沙王堂殿未興安處千衆是則莊嚴爲闡法之因構結爲度人之要主師席者容視爲粗行小果而致荒先緒乎前三衢證果禪寺住持全華月江淨公禪師實六十五代主先是仁廟優崇象教徵天下高僧翻修藏典公亦與焉明年爲宣廟宣德丙午諸山以公學行知見如武庫森巖雲龍超越相舉於宗司遂檄住是山指南迷途意氣直截座下千餘指一爲觀根發機矢無虛發四方尊仰檀信填門少暇則推步躊躇經營廢敝妙算神出意至皆成積財儲糧鳩工定規次第舉行竟獲完美先修大佛殿巍巍若新次修伽藍堂祖師堂及方丈莫不增奐益固殿壁亦施五

彩繪光耀人目觀音大士十八羅漢一切神像盡加以
金碧朱粉雜色麗裝始有生氣復建天王殿若千楹爲叢
林擁衛構無垢軒并雲廚等室若干間爲怡賓安衆之所
百器具修常住賴之徑前作大門樓自書天下徑山之扁
其天王殿門之扁則駙馬都尉沐公所書也迨歲甲寅春
秋浸高倦於接引思休閑且預謀歸宗之地迺即寺北偏
作退居號圓照結窳堵波號壽塔乙卯秋既就述偈而逝
今天子改元正統之丁巳夏其徒來求記其作用之歲月
將立石寺中以貽謀後來俾有繩纘子素重公
平昔行願非小今此盛舉真菩提心信手筆之
朱國祚觀音殿記大慧禪師以正法眼藏開堂徑山繼國
一禪師之席大衆雲歸時稱極盛乃開天眼矚彼巽峯爲
千僧閣安衆表鎮作一山之鉅觀自宋迨明歲閱興廢鞠
爲茂草者有年矣神宗時有髻峯師者雲棲高足也雲棲
老人許其識力精敏可作有爲功德于是徑山大衆頂禮
瞻迎乞師興復師遂誓佛荷擔悉力營辦精誠感通四方
響應始從一室一堂乃至故閣巍然值歲庚子顯皇帝頒
賜龍藏安置徑山遂以千僧閣爲藏經閣地因故址名表
新恩遠近忻躍景從益衆始復拮据式廓前模塑大悲像
爲觀音殿而殿之名始著規制愈宏瞻依益切別立禪堂

餘杭縣志

卷十五

寺觀

七

以安禪榻于是北藏求心南參證德具得安立以究死生
乃復禮請聞谷湛然兩尊宿開堂提唱闡大慧之宗風堂
之左右更有重樓複閣養堂密室宰官居士至則如歸香
積廚廩庖庫廁溷所畢具焉千百畝常住山場樵採耘耔
無慮如雲食指矣師以赤手入山傾心營構始于萬曆己
亥至天啓癸亥先後二十五年不疾不徐非難非易水到
渠成鳥來林密非德感龍天才驅丁癸曷克臻此者乎師
直與大慧老人一鼻孔出氣矣兒子大猷禮師歸道師行
業及彼中山山川形勝時作臥游乃今秋竟
有委余作記者不覺歡喜讚歎以記其事

沈季文徑山重建大殿募緣疏文恭維雙徑者震旦名山
江南勝地國一開山首演牛頭之旨迨鑒宗繼軌兼宏馬
祖之宗大慧杲師振元風於宋世元叟端老展頓教於元
時迄於昭代世不乏傳祖祖相沿繩繩不絕登壇秉拂嗣
法傳燈者八十一人入室投機悟道超凡者莫紀其數用
是道以時隆地因人重虛空幻出樓閣荆棘俄成寶坊梵
刹嵯峨恍疑兜率之宮從中天而下法堂清閟婉若祗園
精舍自西竺飛來乃今祖道漸湮宮殿傾廢昔以狐兔窟
宅頓化琳琅今以佛祖道場幾淪墟莽撫今追昔寧已懷
思紫柏老人傳瓣香而囑法裔無邊開士卓飛錫以應檀

那矧其戒行精嚴願輪深廣觀此顏圯實切振興蓋往昔
於祖師會下發心故今於人天衆前立誓願殫此生精力
拮据經營顧興衰起廢非予力所能而鳩工集材實衆檀
是藉將廣募有緣以共勦勝事況此名區神龍不難於舍
宅矧茲盛舉賢願豈憚於捐貲伏願深心大士宏力高流
盡力莊嚴各隨心願則黃金布地何必讓于昔賢而寶殿
崇成自頓還于舊觀豈惟既往與八十一祖廣結無
上淨緣抑且將來爲百千萬人助成出世道果謹疏

宋范成大題徑山寺樓詩落日蒼茫水澗星縹緲樓神光來
燭夜壽木不知秋海內五峯秀天涯雙徑遊愛山吾欲住
衰病癩乘流

方九敘徑山寺詩雲裏五峯環紫翠空中一徑轉微茫黃
花漸報重陽節白社遙尋古道場精舍更宜留謝客元都
何必訝劉郎高僧趺化千

秋寺獨有靈雞塚樹蒼
僧嵩題徑山寺詩翠拔羣山外連天勢未休雲迷飛鳥道
雨出古龍湫僧在深雲定香和杳靄浮人間游不到一殿
自清秋

餘杭縣志

卷十五 寺觀

六

僧肇經山天開圖畫詩幽淵瀉泠泠千峯疊翠屏曉雲開
混沌遠水接滄溟松影垂禪榻苔衣上淨瓶塵中夢不到
爭欲買丹青

明夏止善遊徑山寺詩招提灑灑竟忘迴石徑閒游步綠苔
門外溪聲春雨過屋頭松響晚風來一身莫論無窮事百
歲須傾有限杯正是長吟
猶未了僧堂忽起暮鐘催

嚴大紀經山靜室信宿詩偶出風塵坐翠微幽奇晨夕在
山扉林閒鳥帶樓雲去石潤龍含乘雨歸莫問茅荆非別
業卽看蘿薜是初衣却嫌樵
豎驚相識未遣猿龜共息機

馮夢禎題徑山松源樓詩造設靈山五箇峯嵐光花雨翠
重重水深臺殿上方磬月色軒窗下界鐘萬本寒松青入
漢一池秋水淨涵空供茶童
子清于鶴笑問何來世外蹤

國朝嚴渤徑山寺詩五峯開處敞幽林百代金仙印古心寺隱
樓臺空翠滿僧閒磬鉢寶幢深閣中御筆龍蛇動石上禪
蹤獅象森昆弟行遊半
寥落頓來策杖探山岑

俞嘉言雙徑禪院詩愛是禪逃未醉先青蒲着箇五峯前
嗜輕得與僧分茗信到方知佛坐蓮洗眼連看山併日雪
眉同聽法忘年白雲自悔
牽風去每到歸來輒廢然

龔嶸登徑山寺詩行春緩轡日初長雙徑層梯到上方樓
閣三千松杳靄空霄咫尺路微茫山川遺跡留今古輿地
徵書屬法王見說南朝曾
駐蹕五峯猶帶紫霞光

王紹貞宿梅谷山房詩長杉古翠委靈邱未忍重登十五
樓風送良朋偕即栗雲停空谷漫淹留香清茶熟情還密
雪霽泉融景更幽便欲攜衾
謀夜話不將舊恨挂眉頭

普慶福田寺 在徑山之陽

徑山志

元釋元熙普慶福田寺記普慶福田寺在徑山之陽初國一
禪師過其處愛其高山深林秀氣葱鬱顧瞻襄迴久之而
後去至元十七年雲□□□為徑山屢及於斯曰昔國一
之所盤桓而不忍去者此其是乎吾將營禪居以飯游錫
其徒師能跪于前曰今四海一統師首奉綸音主東南第
一法席當以正宗自任能雖不能當盡瘁土木以承師志

餘杭縣志

卷十五

寺觀

九

于是審曲面勢乃構乃築積三十年始克就緒殿堂門廡
一倣祇園之制飛錫如歸居者以安又建大莊嚴樓閣上
容十千金色寶花玉座百寶光明互相灌射如帝網珠旋
轉無礙延祐四年仁宗皇帝賜今額為十方禪寺明年師
能來南屏請曰夙夜兢業懼墜先訓今茲有成皆先師願
力也諸父行惟師歸然敢求一言以紀成緒余諗之曰自
國一相傳至于今五百有餘歲矣鬼物呵護蛇龍虎豹罔
敢竄伏而卒為釋梵之宮此豈人力也哉居于斯者盍亦
思紹之人重趺而舍併日而炊訪求知識決了大事慎毋
厚自奉而薄于醵集是違先志以速禍尤也有能以身為
准以行為訓晝永勤勞夜□禪誦若牛首之負米金牛之
界飯歲公訶雪峯于逆揀地藏接法眼于旦過居者游者
二俱相當此而翁之志
也能其以是勗之哉

按此文從徑山志碑記門錄出撰者釋元熙乃徑山四
十六代住持書者趙松雪文中原泐四字別無可補今
闕之

寶幢寺 在縣西北六十五里黃湖界唐乾符元年僧智名

建宋治平間改名崇覺元仍舊名元末兵燬明洪武三年

重建萬歷縣志

天祿寺 在縣西北九十里晉永康間僧空谷建元末燬明

洪武二年重建舊府志

國朝嘉慶丙寅重修萬歷縣志作大祿寺

大安寺 在吳山界唐光化三年僧如玉剏明洪武四年重

建萬歷縣志

明馬用錫游大安寺記蒞餘杭之二三年為天啓甲子四月維夏偕學博宋元實氏尋所謂雙徑而登焉過化城稍折而西訪僧無從于荒畦敗址中余曰安取此而結庵也元實曰此故大安寺基自布衲禪師開山之後為妙喜安禪究竟之所宋治平間欽賜寺額故名藍也無從自九峯來禮徑山已而低徊于此謂布衲高風豈容一墜不振慨然思

餘杭縣志 卷十五 寺觀 一

二

所以恢復之蓮社諸公因為捐貲贖產若干畝建室若干楹栖禪于此行還舊觀未可量也嗟乎佛法隆替名勝升沈信在人耶雲栖虎窟餅密市廛一經名宿宿遂爾佛日照耀無從登東魯之堂而直提西來之旨雲栖之後學者推仰顧于茲卓錫也豈偶然哉因叩其所置山產畝數為之立戶而復為之記無從名廣來俗姓華亭楊氏

慈聖寺 在常熟鄉名靈嶽肇于唐至天成元年復建宋治

平二年改今額元至正末燬明洪武年間重建成化府志在山

後界舊有唐歐陽詢碑久燬

按舊縣志云宋慈聖太后修道于此語甚不經今刪

妙濟寺 在縣東北四十里黃坑界元至元年僧愚溪剏為

對待寺中統間改今額元末兵燬明洪武四年復燬萬歷

三十年間僧寶碧峯再建萬歷縣志

按舊志又云相傳宋妙濟公主修道處故名語與慈聖
修道同一不經今亦不取又相傳開山僧名妙濟似為
之近

明胡濬妙濟禪寺重建修記自佛法入中國以來天地之間
名區奧壤為寶坊紺宇碧瓦雕甍蓋佛氏之教始則福田
利益之說足以化導庸愚終則明心見性之說足以啓沃
賢智是以貴賤賢愚莫不皈依信奉由漢晉隋梁唐宋元
以迄于今日新月盛名藍巨刹無處無之杭州府餘杭縣
大覺山妙濟禪寺宋淳熙五年密菴傑禪師開山東接武
林西連涇山南有茗溪之映帶北有天目之聳峙重崦層
關鬱閎藏納景物清勝比隆于徑山殿閣宏麗元季罹鬱
攸之厄向之翬飛雲爛者悉委為煨燼國朝洪武丁丑呆
菴莊禪師戒律精嚴素向慕因舉興復之念捐資以助
者踵至遂翦荆榛除瓦礫鳩工聚材次第營創未克就緒
永樂壬寅木菴榮禪師廣化山址鼎建丈室宣德癸丑大
雄寶殿告成以至山門廊廡僧堂庖湏之屬佛祖天人菩
薩之像香燈幡蓋供具之器悉漸完美規模煥然比舊有
加實今住持曇輪極力經營之所致也僧錄重其成此寶
坊扶樹像教培植善根闡化之功居多特給符牒延為住

餘杭縣志

卷十五

寺觀

三

持欲其久居茲寺為國祝釐為民祈福曇輪恪遵無怠恐
久而泯其興復之由今兵部主事錢塘鄒幹持狀詣南宮
徵予為記欲勒貞珉以垂悠久予惟福利之誘固足動人
然非主維是利者有堅志長才高識遠見雄偉特達而無
一毫貪癡留滯於胸臆者亦安能成就如是偉績予嘉其
心志之公計之遠故不辭其請用書大概俾歸以勒于石
使將來有考焉正統六
年歲次辛酉三月望日

廣濟禪寺

在縣北二十里孝行鄉

舊縣志

南山普寧禪寺

在常熟鄉瓶窰鎮西宋白雲通教大師創

菴以居紹興明改菴為院曰傳燈又改普安淳熙七年改
今額元末燬明洪武三年重建

萬歷府志

國朝嘉慶十年重修

般若寺

去縣北三十里在白社界舊名長安寺唐大中十

一年僧清泰初宋治平元年改今各元末燬於兵明洪武二年重建萬歷縣志

國朝乾隆十八年重建

吉祥禪寺 在縣北三十里後杏界舊名無相禪院唐咸通

十四年初宋祥符元年改今各元末兵燬明洪武間重建

舊縣志

國朝嘉慶四年僧智臯重建大殿

元吳萊重過吉祥寺詩憶昔逢寒食行吟採物華風生敲院竹雨溼墮山花曲塢青龍樹長灘白鷺沙回看溪上水直欲到君家

順慶禪寺 在縣北三十里後杏界宋咸淳間僧伊巖禪師

餘杭縣志

卷十五

寺觀

一

三

開山元末燬於兵明洪武三年重建萬歷四十三年僧祖

山置田一十一畝地一畝二分山三十二畝蕩五分於寺

有碑記存焉舊縣志

國朝乾隆二十四年重修

明符俊順慶寺詩訪舊入雲林山幽草樹深吟邊忘俗慮定裏識禪心流水無昏曉荒墳自古今感懷重太息人世幾

沈浮

瑞隆寺 在縣北三十里進賢界齊永明二年僧可祚初

名無礙宋治平二年改無相元末燬於兵明洪武初重建

改今名舊縣志

國朝乾隆十年重建

永壽寺 在縣北三十五里常熟鄉晉天福七年僧了悟祖

師開山元燬於兵明洪武二十四年重建舊縣志下同

石泉寺 在縣北五十里同前界唐永泰元年規禪師開山

宋治平二年改甘露寺原名松隱菴

按舊縣志未詳石泉之額改於何年

靈石寺 在縣北六十里黃湖界晉天福七年法眼劫為璞

禪師塔號靈石院宋治平敕改淨嚴寺元中統間復今額

今廢萬歷縣志下同

慈濟禪寺 在縣北六十里止戈鄉唐寶歷二年法眼禪師

建號吳山寺宋治平二年敕改今名元末燬於兵明洪武

餘杭縣志 卷十五 寺觀

三

初年僧上昂重建寺後有法眼山前有留月池及龍井

光教寺 在縣北八十里浮里界舊名龍光梁大同二年僧

如清剏宋治平二年改今名有清習閣元燬明洪武二年

重建

明聞人符宿光教寺詩清曉捲書坐開簾揖遠峯賦雲留宿潤膏雨沐春容世味生來薄詩愁晚更濃好山看不厭還

聽暮樓鐘

慈相寺 在縣北一百里古城界舊名石佛唐天成四年剏

宋治平二年改今名明洪武二年重建

道明寺 在北鄉坂石村相傳史道明書院後改為寺又原

有道明宅在石瀨鎮今作土地堂舊縣志

國朝嘉慶四年重建

安衆寺 在縣東北三十里黃坑界唐同光二年道濟禪師

勅宋治平二年勅賜聖壽寺隆興二年改廣福院元末兵

燬明洪武十年重建中廢萬歷間聞谷禪師復建為真寂

別院云

舊縣志

真寂禪寺 在瓶窰

徑山志

明朱國禎瓶窰重建真寂禪院記言天下之名山無不舉東
西兩天目者言天下之名刹無不舉徑山者遠則國一大
慧諸祖之法席近則紫柏可大師之靈蛻在焉故黑白之
侶登臨兩天目瞻禮徑山者日無虛晷或乘竹筏緣溪瀾
而進或包腰芒屨穿林麓而入雖水陸異途要必于瓶窰
發足焉故言兩天目徑山又無不先舉瓶窰者也然其地
俗樸民儉自農桑外多以埏埴為業故市塵之與陶穴相
望如櫛比而求所謂伽藍精舍則杳乎無聞登臨兩天目

餘杭縣志

卷十五

寺觀

三

瞻禮徑山託宿焉者非寄民廬則依食肆雖緇衣白足之
流勢不得與齊民異有識者過之未嘗不徘徊歎也聞
谷禪師慨然捐衣鉢為善信倡訪真寂廢刹故址復建禪
院為往來食息之所厚直市地集材構屋凡為佛堂若干
楹間僧寮若干楹間牆籬門廡樹井福溷各有其所雖無
雄殿傑閣震竦觀聽凡所以供佛養僧之具燦然備矣院
未有儲粟而居民千餘家環拱敬信每食必貯淨飯一甌
以俟禪師使沙彌三四輩聚而歸之蒸饘以為僧食食時
主客僧恆不下千指無匱乏之憂晨鐘暮鼓木魚梵唄之
聲聞數里外有過大叢林無不及焉久之四方敬信者日
益衆競為師佃復古安衆寺併旁寺山場二頃有得以供
薪爨又陸續施買飯僧田五十餘畝稍佐淨食云蓋禪師
貌溫而氣寂行修而言中當其在雲棲會下苦行菁山名
聞已洋溢諸方迺余所醉心禪師者不止是自初祖西來
而義學之士疾之如仇六祖傳衣而南北宗亦相為水火
蓋我相難浣法執易起所從來久矣紫柏以單傳之印倡
道徑山而雲棲大師專提淨土二大士之權實隱顯詎可
凡情分別而假牆倚壁之徒亦遂各分門戶今禪師不離
淨土直契單傳且以雲棲之的派作徑山之津梁此真寂
院之作蓋亦借事顯理合異為同之妙用也按誌院始建

於宋寶慶間中更廢興不一重建于萬歷四十二年甲寅落成於次年乙卯院成後師旋入閩中芝山至泰昌十月啓政元季冬而國楨始爲之記

大智寺 在縣東北三十五里東林西扇舊名感山唐同光

二年僧了義開山宋治平間改今名明洪武三年重建萬歷

縣志

國朝乾隆四十八年重建

化城接待寺 在雙溪鎮宋嘉定間徑山住持可宣建八年

御書特賜佛日禪師并書化城二大字賜充接待院元初重建至正末兵燬明洪武年僧慧寬重建正德中僧淨松等以役累消乏將山產九百餘畝得價銀二百七十兩出

餘杭縣志

卷十五

寺觀

三

佃民間迨萬歷中僧法鑑主刻藏議藏化城募金恢復詳載碑記中吳方伯捐俸造藏板房二十餘間餘杭縣造浮

渡菴一所徑山志

國朝乾隆三十七年重修

宋楊汝明雙溪化城接待寺記徑山天下第一禪刹窈深修阻高人達士之所輻湊余每恨無因至焉去年春奉詔祈澤山間佛日禪師宣公獲知今丞相魯國公居是山七年矣忻然領余裘徊周覽雲山重複草木蒼蘗悅可人意而又棟宇宏麗器物潔齊爲之驚愕加歎彼息心淨住何爲得此哉乃言曰重趺而來者窮其日力食息無所吾又於雙溪之上築室百間濟其所不及皇帝嘗錫化城二大字因創重屋尊而閣之殿寢門廂庖廩漏浴靡不備具願得識其實亟命僕輿並游至則有過其言無不及也余遂言于師曰吾儒之道食無求飽居無求安敏于事謹于言就有道而正焉釋迦氏初至雪山勞其筋骨餓其體膚既勤且勤不減吾儒也今爲僧者不耕而獲拱坐得食隨寓隨

足又爲之芟舍使朝不及餐於此乎穀夕不及宿於此乎館將翺將翔不至半塗而廢得無過于安且飽乎夫登山者將爲道謀乎將爲安飽乎苟志於道則居不必安食不必飽孜孜求之求之不得不敢少怠意會神契斯有得矣師謂何如師曰此吾考室之意也能不愧此室則在其人吁彼能識師意歟既畢力營繕遠近信敬翕然樂施師又自哀其橐合縉市田千畝爲無盡供於是化城之居可久以大而師所以待其徒之意始愜不可不識也師名可宣吾蜀嘉定許氏子別峯印公橘洲曇公之弟曇又其同氣也禪印師曇有之似之上雅聞其名用錫佛日之號奎書焜耀草木生榮年餘七十嘗手書華嚴等經虔藏茲山又築窄塔波於後當相與爲不朽云

明馮夢禎議復化城緣引刻經之緣始于清涼之妙德菴地寒而峻遠役南匠輪輸工力倍費功半不得已而有徑山之遷徑山東東天目正幹五峯攢迴中開佛界我東南勝道場無逾此而雲霧籠罩十日而九藏板其中最易朽腐又不得已而有化城之議化城踞徑山之東麓去雙溪數里地坦平無雲霧旣便藏板而輸工力事事皆宜因故址而新之先爲屋十間令足以安經板處工匠而庀役徐俟其後旣無甚難舉今約同志以十緣倡之緣五十縉禎雖

餘杭縣志

卷十五

寺觀

三

貧獨任一緣夫刻經大役自北而南而其南也又自徑山而化城三徙而後定而任事之人始于密藏繼于幻予而終之者又未卜何人也因緣時節惟佛與佛乃能究盡而自劫緣以至未來凡于此事曾捨一錢半銖及一手一足之力已上福不唐捐直至成佛而吾等與焉豈不幸甚

黃汝亨重興化城寺疏昔楚漢相距約曰先入關中者王之迨漢入咸陽諸將競取子女玉帛蕭何獨收秦圖籍以此知天下戶口山川要害之處然則大藏固佛祖之圖籍而天下之名山勝境固法嗣聖僧之關中也此藏經板不可以無刻而化城寺在雙溪踞徑山之東有林木而無雲霧作經笥工署甚善寺故宋佛日禪師宣公所勸爲接待所不可以久就煙滅方伯體中吳公本經世人負出世力以澹居禪師淨心湛智足以任此遂欣然與化導經營漸次恢復其地先以厝置經板而徐議誅茆建刹鼎新佛日之業佛寶法寶才施法施可謂一舉兩得片刻千古者矣而澹公復從棄篋中得勸緣一疏亦爲藏經名刹經始此地蓋馮司成開之與密藏禪師起緣于十數載之前者也嗟乎一直必應靈山同會司成之後有方伯而密藏之後有澹居誰爲爲之豈非道念之合符凡聖之證印者哉

吳用先題重興化城接待寺疏余從紫柏尊者游逾二十載所承鉗錘雖劄罔所不至通身熱汗不知透出幾番矣末後以流通佛法付囑不佞唯唯徼天之倖承乏越中即悉心殫力求刻藏之役茲功已過半緣成或有日矣乃謀藏板善地卜及化城化城故宋佛日禪師宣公所勅接待寺郎官楊汝明記之甚詳見徑山集中及我朝而香火猶盛漸次凌夷僧徒凋落遂以寺田轉佃於方姓者輾轉相侵盡爲居鄰所剝蝕矣然其徑尚存化城巷之名至今在人口今年澹居上人圖恢復之而鄉紳王中泉公首倡義舉願以其地歸寺于是左右聞風者響應乃澹居猶運慈心量其多寡各給其直余與吳下諸君子協濟之雖未盡復舊址從此誅茆建刹亦庶幾可觀矣然此非今日創議也蓋自馮開之司成始矣而余又不知司成之原有此議也一日澹公過余持開之手卷見示謂偶從密藏棄篋中檢得之余展閱疏引卽向時與藏公所謀卜化城以厝經板者也噫司成往日謀于十數載之前而余與澹公成于十數載之後不約而合無心而成九原可作當爲鼓掌第勝地旣復梵宇鼎新向後更有許多商量不無藉十方大檀之力余小子亦不敢不賈勇從事道化重興法輪當轉誓頭目腦隨之不恤而違恤其他時萬歷辛亥歲浴佛日

餘杭縣志

卷十五

寺觀

一

三

疏

宋奎光題化城慈門師募齋僧緣疏余嘗謂恢復難而守成則尤難化城故宋宣禪師道場正德間爲居民篡據澹居毅然爲請復之舉徒衆未免雜霸以故故址雖復而人心未必盡悅去冬澹居化去難其主者本石吳先生爲請慈門住此蓋先是慈門以化城無佛自吾虞山裝造大佛一尊供此已是化城第一功臣而復德器冲和其爲化城靈長可知矣顧化城舊以接待得名師今爲往禮徑山者必由之路二時飯食慈門不能爲無米之炊也則不得不仰給于十方善信乎貞甫黃先生之言曰天下名山佛之關中大藏佛之圖籍也今得化城爲置藏之地則旣奄有關中并獲圖籍矣至于轉輸運粟端在信施卽今朝魚薯飯且不能宿飽則重繭而來者枵然待食可知佛說六波羅密檀施爲先衆生三毒輪迴破慳第一知人命無常一息不繼都爲長物何不以有待之資作無盡之福伏願十方信人念化城正中興之候轉輸值告急之秋隨力隨心普爲運濟則恢復功臣不獨澹居與慈門已也試觀雲水駢集禪悅飽滿回向信施因果昭然當必以吾言爲不妄者因爲弁言以題其冊云

王在晉重復雙溪化城接待寺碑記昔大藏西來流通編滿明明國制不廢頂禮慈尊名山福地多頌法寶廣度僧伽故翻刻藏經自北而南始于清涼妙德以其嶺道迴複轉輸倍費工力議而之徑山徑山萬菁叢深烟雲霞暖棗梨易蝕又議而之化城化城為宋佛日禪師宣公所創寺名接待皇帝錫化城二字因構重簷鬼閣分徑山之東麓沿至我朝僧徒畢集為徑山選勝道場正德間以寺田編役僧不能守割地轉質民間質券具存石垣界址在焉馮開之太史擇地化城建屋以藏經板自任一緣捐錢五十緡徐圖恢復以其事屬之密藏募金贖地未竟而以手帙遺之澹公會桐城本如吳公任浙左轄慨然欲竟成開之志乃乘閱湖工偕廉憲寶公躬履其地曰曠墟可復也訊諸業民曰得價可還也禹航鄉紳王君先以其地歸寺於是慕義而來歸者如響乃贈金給直以贖其半誅茹結舍處大士蘊廬中而經板乃得其藏矣化城薄于林莽椽居絕罕而其間有封土如壘者外割餘地任其祭掃旁無所卜築方伯公以慈悲一念保安化者蒸慧炬而照昏城野鬼得藉無邊法力永寧其魄於功德之林枳棘轉為初地蕪萊化為覺場因明入智喜信皈依乃妄觸邪宗陰懷睥睨嗾諸狂少浪託無稽於是經法官之勘斷煩公府之

餘杭縣志

卷十五

寺觀

天

質成魍魎既遁正顯邪逐法門得據而安焉慨自金輪常轉世劫周遭變徙滄桑古來興廢然而魔劫雖渾金剛不壞生天地而無始徹天地而無終堅固慈心自隳罡煞佛力如天有時藉轉于人力然盡人之力終不能加于佛力余不佞不能為無盡居士省後深造更著護法然亦不能凝神構思立論無佛化城八百八十畝典價不逾二百七十金今出三百五十金而僅贖原田之半無損于民而有益于僧僧田歸僧僧與民作平等觀何必斥僧而惟民之與哉一化城也在宋則棟宇宏麗器物潔齊徵于郎官楊汝明之記乃棟宇變為灌莽灌莽又變成棟宇馮太史締緣未果吳方伯矢念聿成議始于萬歷甲申十六年而獲竟其事不佞僅為方伯布虔以告諸天請消人心之荆棘植善信之根基翻經選佛之場金鏞以是而依崇鐵鏢繇茲而肩護可祝聖壽萬年於永永矣

明王守仁題化城詩僧屋烟霏外山深絕世譁茶分龍井水飯帶石田砂香細雲嵐雜窗高峯影遮林栖無一事終日

弄丹霞

徐渭化城寺詩方引主人轄轉為山寺嬉門深當水盡路曲入松移破鐸搖簷鴿寒萍蔽澡龜過溪無虎嘯枉送遠

師禪

接待寺

在石瀨鎮

萬歷縣志

宜豐寺

唐僧靈一所居寺中有泉靈一嘗賦詩全唐詩今并小傳

不知其處

唐僧靈

一宜豐新泉詩泉源新涌出洞澈映纖雲稍落芙蓉沼初淹苔蘚文素將空意合淨與衆流分每到清宵月冷

冷夢裏聞

又再還宜豐寺詩再尋招隱地重會息心期樵客問歸日山僧記別時野雲陰遠甸秋雨漲前陂勿謂探形勝吾今

不好

又將出宜豐寺留題山房詩池上蓮荷不自開山中流水偶然來若言聚散定由我未是回時那得回

梧桐寺

今無考

餘杭縣志

卷十五

寺觀

一

无

明鮑之沆晚過梧桐寺詩日暮投名寺登臨藉短筇流泉鳴古澗落月在寒松人語驚棲鳥琴聲叶晚鐘最憐山雨後

薄靄幾千重

北山寺

今無考

明董治過北山寺詩未證菩提果來尋支遁游法華明月印禪榻白雲留仙木含靈氣虬松吼古秋山僧雅好客新茗

試輕甌

按舊縣志藝文卷內有梧桐寺北山寺詩今不詳所在姑附誌之

定水院

在安樂鄉宋紹興二十八年剏今廢

舊縣志

靈源院

在縣東一十二里安樂鄉舊名龍泉唐咸通七年

僧善本剏宋治平二年改今名元末燬明洪武二年重建

萬歷志府

國朝乾隆四十九年重修

明田藝蘅三月大盡日遊龍泉靈源禪寺詩莫謂尋春去已遲我來猶及送春時偶聯玉筍過禪宇為訪金蘭載酒后

鶯語未調新出谷花香欲落尚盈枝
留歡可盡情難盡對爾聊題太白詩

蔣文鈺梅雨昨霽同少翼叔過龍泉禪院訪吳道枝先生
小飲僧樓晚歸詩人間何處可潛修綠樹盤旋隱石樓迴

望溪山晴過雨平聽水竹夏先秋煮茶已識元通味索
酒真成汗漫游歸路不妨蘭棹暝彩霞蕩漾起雙鷗

蔣文虹和韻詩丈六金身不用修清齋聊寄遠公樓孤篷
揭雨千峯晚小扇迎風四野秋閱覽共推吳季博好奇獨

負馬遷遊鯤鵬自有雄
圖在我已忘機付海鷗

澄鑑院 在縣東一十五里支巷界宋紹興二年僧彥岑剏

明洪武元年重建舊縣志

國朝康熙四十四年重建大殿嘉慶六年僧戒宏重修

餘杭縣志

卷十五 寺觀

勝因院 在縣東五十里舊名報勝唐開成二年僧彌興開

山宋治平二年改今名元末兵燬明洪武十年重建舊縣志下

同

妙智院 在縣東南二里名觀音宋乾德三年建治平三年

改今額

正觀院 在縣南一里名祈福梁天監二年建宋大中祥符

元年改今額址存

淨安院 在縣南二里名南禪梁乾化三年建宋治平間改

今額

興道院 在縣南二十五里招德鄉唐麟德二年僧殊勝剏

元末兵燬明洪武十年重建其院四圍石巖前有一石如
盂鉢形頗爲清勝

崇先資福院 在縣西南一十二里招德鄉宋紹興二十九
年建今廢

壽聖院 在招德鄉梁時勅今廢

真君院 在縣西南二十五里南建界舊名真君解院元至

元初僧永濟開山元末兵燬明洪武初重建

按南建界別有天真寺亦
云舊名真君院與此不同

善應院 在縣西南三十里金宋保舊名靈隱院唐天成元
年僧寶牛禪師開山宋治平二年改今額元末兵燬明洪

餘杭縣志

卷十五

寺觀

一

三

武二年重建

寶林院 在縣西二里宋乾道二年勅舊縣志

國朝嘉慶八年重建俗稱寶林菴

真武院 在縣西十里長沐灣丁橋鋪康熙十一年知縣張

思齊捐俸重修舊縣志
下同

悟真院 在縣西北三十里長安鄉唐咸通八年僧法顯勅

元末燬於兵明洪武初重建

宋王安石悟真院詩綠水縱橫漱屋除午窗殘夢
鳥相呼春風日日吹花草山北山南路欲蕪

瑞相院 在縣西北五十里長安鄉宋乾道間僧義初開山

元末燬於兵明洪武四年重建

普淨院

在縣西北徑山道中皇祐間尚留陳述古題

周必大遊

徑山記
自注

實際禪院

在縣北三十里白社界元至正元年僧浙菴淡

禪師勅接待雲水僧人元末兵燬明洪武三年重建

萬歷縣志

同下

崇因報國禪院

在縣北三十五里常熟鄉宋乾德三年勅

今廢

雲福禪院

在常熟鄉宋紹興三十年僧善智勅元末燬明

洪武間重建

寶嚴院

在縣北一百二十里古城界舊名寶隆梁乾化二

餘杭縣志

卷十五

寺觀

一

三

年僧覺海勅宋治平二年改今名元末燬於兵明洪武初

重建萬歷縣志改名釜托寺

國朝順治十二年重建復名寶隆寺

慧照塔院

在常熟鄉元大德元年僧如志勅至正末兵燬

明洪武初重建萬歷縣志

定一院

在常熟鄉厚郎界元至大間僧文晨勅元末兵燬

明洪武初重建舊縣志

準提禪院

在縣西三里溪南舊有準提閣故址

國朝嘉慶初年重建

茶亭菴

在縣東關外行旅要道明萬歷間僧鑑空建施茶

湯安宿雲水僧吳方伯用先題喫茶去三字舊縣志

國朝康熙間嚴敏改題曰十方茶院扁今尚存

明吳用先餘杭縣東關茶亭碑記茶亭者創于僧如通而相繼以恢廓之者則今僧海雲也先是通行脚山東渴甚就飲于汲水者惡其掬以手也爭擊之幾碎其首通自惟水何物憊苦至此夙因可知已合掌自懺發願于衝要處擬建一亭旁掘井泉暑烹茗汁寒沸姜椒以沃飲行者既而赤脚募緣六年銖積五十金買地于邑東關外蓋東關為往來要區車擊轂人摩肩西徑山天目白嶽九華東武林諸刹雲棲普陀道必總會于此甫圖興建而通奄然逝矣鄰老戴宰憫其齋志訪仁和蔣家菴僧慧燈為善知識延而續未竟之緒檀施翕然喜捨載亦出助己貲行僧海印協力構佛堂數楹以供四方雲水之侶不特渴飲且得飽宿以去凡三年慧燈仍還故菴戴亦以病歸繼者遂不支事幾廢居士孫桂枝沈煥然相與謀曰獨不得僧如海雲耳何憂事廢哉雲舊住廣化寺廣化已屬蕪莽而雲中興之功頗鉅蓋其天資朴實戒行醇備人自響應耳迎至亭菴益加刻勵助緣者不募而集兼施一切瘡瘍膏劑多效

餘杭縣志 卷十五 寺觀

寺觀

一

三

凡有酬金不自潤瓶鉢悉以為餽僧資以故十數年來四方緇衣雲聚不啻叢林也又倍增禪堂廊宇延淨衲禪誦不輟構亭鑿井悉滿通願雲自念老矣恐將來者難繼願置常住田若干謀諸雲棲蓮池大師曰可大師首捐助諸善信聞風效之陸續置田若干畝適澹居師過之謂雲曰盍紀諸石庶後人知創亭之由置田之意當不至湮沒檀越熟睹此因亦將善護其法于不窮而有力者亦不敢負之以去雲然之因託澹師乞余言為記通雲俱本邑人事創于萬歷丁亥而陸續置產則今自辛亥始

國朝張吉安十方茶院詩東西南北四茶亭此處頭陀結願深一翁泉甘遭毒手如何市上攬黃金東關擾擾市聲譁賣餅家連賣酒家來往十方雲水侶阿誰解喫趙州茶

萬行菴 在縣東二里鳳儀塘外住持僧照元建舊縣志

國朝嚴啓端萬行菴詩到菴心似南能靜對閣山如北苑皴惜不乘流舟上望小窗高樹畫中人

圓覺菴 在縣東北一十五里安樂鄉元至元間初至正兵

燬明洪武元年重建

續縣志

俗稱圓覺寺今圯

廣應菴

俗稱斑竹菴為西天目之下院在金宋二莊文昌

閣南

舊縣志

國朝順治乙未住僧隱几募緣重建

古鏡菴

在安樂鄉金宋一莊新川坂俗稱梅山菴

舊縣志

國朝乾隆五十年僧心容重建大殿嘉慶十年重修

古梅菴

在金宋二莊楓木坂

國朝康熙元年僧信菴建乾隆四十九年僧大榮重修

念誰菴

在安樂鄉新壩莊

國朝康熙五十八年重建

餘杭縣志

卷十五

寺觀

一

雷

舊菴

在縣東南五里許馬鞍山陽耆民孫濂捨田五畝奉

香火

舊縣志下同

新菴

在縣東南五里許馬鞍山塢北

竺舍菴

在縣東南金宋保

普福菴

即普淨菴在欽德鄉新金兜

續縣志

國朝康熙丙午里人張姓施建乾隆四十四年僧開先重修

勝福菴

在欽德鄉元至元間剏明洪武十二年重建

舊縣志

菴創自元末明洪武四年南竺和尚鼎建竣工嘉靖丁亥

殿宇傾圯

國朝乾隆十四年住僧重建大殿二十四年僧心開重修今改

稱寺

按續縣志勝福菴在閑林鎮西正德年四明人萬表字民望號鹿園偶寓於此時羅念菴王龍溪嘗造訪焉因題其額為萬鹿園修道處未久萬即歸去菴宇亦圯

淨心菴 在欽德鄉東扇一莊毛家橋

國朝雍正乙卯僧成一開山乾隆四十九年僧證果重修

妙敏菴 在閑林四五莊屏風山

國朝嘉慶四年僧定安重建

永靜菴 在閑林四五莊

國朝嘉慶五年僧道峯重建俗稱單家菴

永寧菴 在閑林六七莊沈家店

餘杭縣志

卷十五

寺觀

一

五

國朝嘉慶二年僧道成重建大殿

澄清菴 在南湖十字塘南湖中塘舊設六橋長亘數里至

十字中分處由南至下凰山屈逕東嶽廟由北至石涼亭

還轉三賢祠所以東上游諸山之水不至泛溢近因橋圯

堤蕪知縣龔嶸于康熙二十三年議濬南湖先于中塘森

植梅柳以固堤身復于十字中分處建菴三楹佐以抱廈

延僧居之俾濬湖糾工者于斯止憩焉名曰澄清

續縣志

國朝

王紹貞遊南湖登觀音閣石壁漫記詩乘興步南塘杖攜復旋委登頓湖中堤迢遙望新址精舍瞰澄波孤亭攬香

芷徑古任夷猶僧新雜憂喜一折走荒葦千尋參大士閣自峯心安石從雲首洗羣木搖天風層梯俯湖水烟銷見

嶽祠午倦醒潭底乃憩遠公房還嘗禪味美小飲僧盤餐元譚絕俚鄙日落遠沙黃烟凝暮峯紫歷步履芳楹花樹

愛清泚顧盼兩三人周遭十五里滿足天偶
寬癡腸老方倚明日事難期斯遊那可已

僧紹隆湖心澄清菴詩山水周遭面面風斷鼇亭子瞰湖
中六窗夜氣浮虛白滿目寒光涵碧空竹杖往來堤遠近

木魚敲動岸西東心如不繫
舟無著況是休糧仗令公

又孫我清昆玉見招湖上精舍詩十月晴湖水尚深堤邊
樹色映波痕要知野步能乘興不待招尋也出門稠疊空

青雲影淨平鋪淺碧鷺聲繁桃紅
更訂遊春約又費鬢然與腹捫

新埠嶺茶菴 在縣南十五里僧印如建舊縣志

石雲菴 在稽留山俗名雞籠山林壑幽邃為僧澈澄構中

奉西方三聖左地藏右大悲其前傑閣奉漢壽亭侯基地

山場六十餘畝俱出檀施徑山住僧山幢書其聯曰幾回

鑿出雞山石一似飛來鷲嶺雲誠斯菴之寶錄也續縣志菴

餘杭縣志 卷十五 寺觀 一

有洗天泉彩雲石諸勝乾隆四十九年僧達初重建宏整

倍舊并續置田地山場若干畝以供常住有碑記之

國朝王紹楨稽留山初建石雲菴記吾若佛刹名山稱盛自湖

以南林壑鑿空而出極人工天巧之奇惟石雲為最菴蓋

徹澄開士所構以安禪者也其地踞南威之東偏由馬嶺

沙邨委蛇而進層巖環繞溪流間之中名雞籠峯面對雄

山高楹文礎補入崖腹北則大滌天柱南則石孟翠雲諸

勝若拱而揖或環而抱其下翠石林立亦同斯狀清泉俯

奔修篁仰蔭法花忍草茁長續紛彩雉文魚翱翔游泳洵

兜率之雅觀般若之深境矣先是慧彰明禪師嗣清谷孝

禪師始從錢塘玉露亭結甘露之緣慕南茗之秀誅茆於
此將有經營庶事草創徹公親承剃度志圖寢昌掘土塞
泉削石填土始也相度孔艱幾中止及十日得一峯五日
得一壑皆嶙峋蒼潤甚愜懷抱遂不覺甬勉日積也工始
於丙戌歲之孟春告竣於丙辰歲之季臘中楹三間設西
方三聖左地藏右大悲其前敞閣凌空心目宏曠則伏魔
關夫子像設焉東西樓閣森向雲廚客座制度精嚴基地
山場六十餘畝汪程吳葉童諸善信所樂而授受也扉外

山田一十餘畝貝濮潘歐張諸善信所施捨嵐因石之佳
里人文學金子右白遂以命名善乎雙林山幢大師之書
聯曰幾回鑿出雞山石一似飛來鷲嶺雲蓋菴之實錄也
徹公謂予是菴之成三十年於茲欲以揚祖風示來者祈
佛日之常輝祝檀那之德意必不可無記貞乃為
之合掌而記之康熙十六年歲次丁巳孟夏之吉

古林菴 在南建莊牛肩嶺明萬歷二年僧寶空建

國朝乾隆二十五年僧含光重修

萬嵩菴 在荆山棠塢間南曰昇仙村西則由拳諸峯崇岡

複嶺茂林修竹為一邑幽勝僧瓊巖為天童孫結茅于此

里人捐資置田若干畝勒石記之

舊縣志下同

迎恩菴 在白社界宋咸淳間勅明洪武元年重建

衍嗣菴 在同化鄉盛宅界里人徐瀛僧無邊助田八畝山

餘杭縣志 卷十五

寺觀一

三

十二畝延僧淨明焚修

碧雲菴 在舟枕山舊名碧霞菴僧性良寂照修建

舊縣志

國朝乾隆二十六年重建

西教菴 在山後界元至元初勅明洪武間重建

舊縣志

太平菴 在縣北十五里白社界赤里坂里人周錦住持僧

性受建

舊縣志

國朝嘉慶二年重建

法隱菴 在縣北後山

甘露菴 在縣北新嶺舊名茶亭僧於此施茶以濟暵故名

甘露

國朝乾隆四十二年僧德山募緣重建並建文昌閣於左

重陽菴 俗名聖堂在石瀨鎮里人翁氏捨基建明萬歷四

十四年重新

大悲菴 在盛宅莊

國朝乾隆四十三年重建

寶泉菴 今無考

國朝高斗魁寶泉菴次壁間韻詩為訪名泉過竹房籬根澹遠
寫秋光野泉香過龍團餅勺水甘生蟹眼湯路遠屢迷泥
徑曲心閒始覺草菴涼閉關老
衲忘寒暑不問溪松幾尺長

觀音閣 從東嶽廟向西直行過滾壩一里餘為下凰山山

上下石峯側立湖口皺瘦獐奇頗有竺嶺飛來之致向構

餘杭縣志

卷十五

寺觀

一

三

觀音閣于石面而石峯為閣所掩今捐貲移閣稍西去舊
址數十步搔爬石骨不特石勢盡張而閣基隱秀兩極其

勝石旁舊有泉味色甘冽遂于泉側構亭顏曰涵碧舊縣志

國朝僧紹隆觀音閣詩山頭野鳥叫相迎勾引遊人入化城匡
阜豈無同社侶南湖猶有異鄉情靜觀涵碧一林寂吟到
冰壺萬壑清書帶草荒秋
已暮蕭然恰對鄭康成

觀音堂 在縣北一十九里乾嶺上昔邑人童氏好善年五

旬無子一夕夢觀音語曰汝積陰功當有子孫果生一子

遂建堂塑像今改名清遠菴續縣志

國朝嘉慶十二年重建殿外茶亭

西門茶亭 在西門外塑元帝像于中每于冬夏施薑茶湯

萬歷乙酉邑人沈棹建

萬歷縣志

餘杭縣志卷十五終

餘杭縣志

卷十五

寺觀

一

三九